



Arkivnr: 2014/13889-54

Saksbehandlar: Lise Fauskanger Ådlandsvik

Saksframlegg

Saksgang

Utval	Saknr.	Møtedato
Fylkestrafikksikringsutvalet i Hordaland		21.02.2017

Budsjett for Fylkestrafikksikringsutvalet (FTU) for 2017

Samandrag

Budsjett for bruk av fylkeskommunale trafikksikringsmidlar er tufta på sak PS 91/2016 *Årsbudsjett 2017/økonomiplan 2017-2020*. Til Fylkestrafikksikringsutvalet (FTU) er det for 2017 sett av 5 mill kroner.

I Handlingsplan for trafikksikring i Hordaland 2014-2017 er det vist ei grovfordeling av midlane. Ut frå handlingsplanen og årsbudsjett for 2017 kan ein seie følgjande: Til tilskotsordninga mindre fysiske trafikksikringstiltak vert det sett av 2 mill kr. Til tilskotsordninga til lokale trafikksikringsarrangement er det sett av 680.000 kr. Vidare er det sett av 500.000 kr til tilskotsordninga til utarbeidning av kommunale trafikksikringsplanar, jf handlingsplanen. Aktivitetsmidlane til Trygg Trafikk er på 730.000 kr.

Forslag til vedtak

Fylkestrafikksikringsutvalet (FTU) tek forslag om bruk av midlar i 2017 til orientering.

Rune Haugsdal
fylkesrådmann

Håkon Rasmussen
fylkesdirektør samferdsel

Saksframlegget er godkjent elektronisk og har derfor ingen underskrift.

Fylkesrådmannen, 18.01.2017

Budsjett for bruk av fylkeskommunale trafikksikringsmidlar er tufta på sak PS 91/2016 *Årsbudsjett 2017/økonomiplan 2017-2020*. Til Fylkestrafikksikringsutvalet (FTU) er det for 2017 sett av 5 mill kroner.

I Handlingsplan for trafikksikring i Hordaland 2014-2017 er det vist ei grovfordeling av midlane. Ut frå handlingsplanen og årsbudsjett for 2017 kan ein seie følgjande om dei største postane: Til tilskotsordninga mindre fysiske trafikksikringstiltak vert det sett av 2 mill kr. Til tilskotsordninga til lokale trafikksikrings-arrangement er det sett av 680.000 kr. Vidare er det sett av 500.000 kr til tilskotsordninga til utarbeiding av kommunale trafikksikringsplanar, jf handlingsplanen. Aktivitetsmidlane til Trygg Trafikk er på 730.000 kr.

Under følgjer ei fordeling av midlane:

	Tiltak	Fordeling 2017, kr
1	Tilskot til lokale trafikksikringsarrangement	680 000
2	Tilskot til kommunale trafikksikringsplanar	500 000
3	Tilskot til mindre fysiske trafikksikringstiltak	2 000 000
4	Kurs og konferansar for kommunane	55 000
5	Trafikksikringsprisen	25 000
6	Trafikksikre kommunar	300 000
7	Driftstilskot til Trafikksikkerhetshallen	100 000
8	Refleksprodukt, innkjøp	200 000
9	Alle barn sykler	62 500
10	Kampanjearbeid	275 000
11	Aktivitetsmidlar Trygg Trafikk Hordaland	730 000
12	Diverse, andre utgifter	72 500
	Totalt	5 000 000

Tilskot til lokale trafikksikringsarrangement

I handlingsplanen er det årleg sett av 800.000 kr til denne tilskotsordninga, men grunna mindreforbruk alle dei føregåande åra er det for 2017 sett av 680.000 kr. Midlane skal nyttast til gjennomføring av trafikksikringsarrangement som er tufta på lokale initiativ. Det er sett opp tre søknadsfristar i løpet av året (januar, mai og november).

Tilskot til kommunale trafikksikringsplanar

Det er fastsett i handlingsplanen at det årleg vert sett av 500.000 kr til denne tilskotsordninga. Søknadsfristen er 1. april.

Tilskot til mindre fysiske trafikksikringstiltak

Tiltaket var nytt i 2014, og det har vore gode erfaringar med tilskotsordninga. Det er sett av 2 mill kr i 2017. Søknadsfristen var 1. januar.

Kurs og konferansar for kommunane

I handlingsplanen ligg det fast at FTU skal arrangera ein årleg trafikksikringskonferanse for kommunane i Hordaland. Konferansen finn stad hausten 2017. På den årlege trafikksikringskonferansen vert aktuelle tema teke opp, men det er likevel grunnlag for å gå nærmare inn på einskilde tema og ofte stilte spørsmål om ulike trafikksikringstiltak. Fylkeskommunen v/ FTU kan også slik ta på seg ei koordinerande rolle gjennom å

arrangere slike samlingar av fagpersonar frå ulike etatar. Dette vart gjort med god erfaring i 2015 då FTU arrangerte ein fagdag om gangfelt for kommunetilsette og konsulentar. Aktuelle tema på slike fagdagar er til dømes sykkel og trafikksikker kommune prosjektet. Det er sett av 55.000 kr i 2017.

Trafikksikringspris

Trafikksikringsprisen vart delt ut for første gong i 2014. I handlingsplanen er det sett av 25.000 kr årleg, og prisen vil verte delt ut på den årlege trafikksikringskonferansen for kommunane.

Trafiksikre kommunar

Dette er eit nytt prosjekt i denne planperioden, og arbeidet har allereie resultert i tre trafiksikre kommunar, og tre kommunar med underskriven intensjonsavtale. Ved signering av intensjonsavtalen vert det utbetalt 25.000 kr, og ved godkjenning vert dei resterande 75.000 kr utbetalt. Det er sett av 300.000 kr til tiltaket i 2017. Det er venta at arbeidet med trafikksikker kommune vil krevje auka ressursar dei kommande åra. Dette gjeld både å følje opp kommunar som er blitt godkjent, og kommunar som er i prosess.

Driftstilskot til TS-hallen

I denne planperioden er det sett av 100.000 kr kvart år til driftstilskot til Trafikksikkerhetshallen i Hordaland.

Refleksprodukt, innkjøp

Årleg kjøper FTU inn refleksar gjennom ein eigen rammeavtale. Trygg Trafikk og Politiet er med på å dele ut desse refleksane, saman med fylkeskommunen. Det er sett av 200.000 kr i 2017 til innkjøpet.

Alle barn sykler

Eit samarbeidsprosjekt i regi av Bergen 2017 mellom ulike etatar, sykkelklubar og skular om sykkelopplæring for elevar. I handlingsplanen vart det sett av 62.500 kr årleg til *Fylkesfinalen i sykling*, og desse midlane kan med det nyttast inn i dette arbeidet etter søknad.

Kampanjearbeid (haldningsskapande trafikksikringsarbeid)

Det haldningsskapande trafikksikringsarbeidet er ein del av FTU sitt arbeid. Det er sett av 275.000 kr til kampanjearbeidet.

Aktivitetsmidlar, Trygg Trafikk Hordaland

Aktivitetane til Trygg Trafikk sin distriktsleiar skal dekkast over FTU sitt budsjett. Trygg Trafikk søker kvart år om midlar til dette gjennom FTU. I søknaden går det fram kva for type aktivitetar som skal gjennomførast det gjeldane året, aktivitetsplan. Distriktsleiaren har ansvar for å rapportere til FTU undervegs. Trygg Trafikk sitt arbeid er i særleg grad retta mot arbeidet med trafikksikker kommune, og å auke trafikksikrings-kompetansen i barnehage og skule. Det er sett av 730.000 kr i 2017.

Diverse

Midlane går til annonsering, diverse driftsutgifter og medlemskontingent i Trygg Trafikk. Denne posten kan også nyttast til aktuelle trafikksikringstiltak/-prosjekt FTU ønskjer å støtte, men som det ikkje er sett av midlar til i budsjettet. Det er sett av 72.500 kr.

Fylkesrådmannen sine kommentarar

Fordelinga av midlane er basert på tiltaka i handlingsplanen for trafikksikring. Prosjektet Trafikksikker kommune er eit av dei viktigaste tiltaka retta mot kommunane denne planperioden. Dette arbeidet krev ressursar både frå Trygg Trafikk og fylkeskommunen, for at kommunane skal kunne føljast godt opp i alle delane av prosessen. Også etter at dei er godkjent. Arbeidet med trafikksikker fylkeskommune vil også krevje ressursar.

I tillegg til det store fokuset på Trafikksikker kommen, så vil det vere viktig å vere med å løfte fram arbeidet med trygg skuleveg i enno større grad. Dette kan mellom anna gjerast ved å stø oppunder tiltak slik som «Hjertesone», og det arbeidet som for eksempel Bergen kommune no har sett i gang.

Fylkesrådmannen ber om at forslaget om fordeling av midlane vert teke til orientering.